

# LIJE'E SAN PABLO LOCUENA LINIĒ'EPA TIMOTEO

---

**1** Iya' ninPablo, nin'apóstol, epaluc Jesucristo. Tołta'a lixpíc'epa ŁanDios. Iya' nin'apóstol laifnuya'apa ticua: “Ja'ni toł'huaiyijnle Jesucristo, tepi'im'molhuo' al ts'e lołpitine aimijouya”. <sup>2</sup>Quinił'ehuo' coje'e, ima' cumTimoteo. Ima' ai'hua aipic'a. ŁanDios cał'Ailli' y Jesucristo łalPoujna, titoc'itso', ti'nujuaits'o', tipac'e'etso' lopicuejma'.

<sup>3</sup>Iya' cax'najtsi'i ŁanDios, ilenDios cai'ailli' jouc'a lai'ahueló. Ĥniya ihuejcopá, ma' anuli iya' quihuequi jahuay laipicuejma'. Cacua: Cax'najtsi'i ŁanDios. Itine ipuqui' ma capalaic'o ca'nujuaishuo' ima', caxa'hue ŁanDios titoc'itso'. <sup>4</sup>Ca'nujuaishuo' ojojpa. Tołiya juaiconapa aipic'a caxingontso', tołta' tixoj'ma neta. <sup>5</sup>Ca'nujuaishuo' ma' al Ĥinca mepenufpa Jesucristo. Tołta'a epenufpa ate'a lo'ahuela Loida jouc'a co'máma' Eunice. Ĥne a'i ma le'a mi'e'eyołtsi, al Ĥinca ihuej'me Jesucristo. Iya' cacua ima' jouc'a taihuequi.

<sup>6</sup>Tołiya camihuo': Tomaf'i'ixoxi. Ĥe litine laipo'nof'ipo' laimane' łojuac, ŁanDios epi'ipo' lopicuejma' to'ełá' lanic' lepi'ipo'. Itsiya

aimixojto'. <sup>7</sup>Aimixpaij'mo'. Cal Espíritu Santo, łalapi'iponga' ŁanDios aimał'e'eyacongá' małsinyacu calaic'ata. Cal Espíritu lapi'iponga' lałpicuejma' ał'ełe al cueca', ał'ełsola' capic'a lał'as xanuc', ał'sc'ai'itsola' al c'a. <sup>8</sup>Itsiya camihuo': Ti'hua topalaico'ma łalPoujna Jesucristo, aimotai'ma calaic'ata. Ni aimalatets'i'ma iya'. Jouc'a capalaicojma łalPoujna, tołiya ał'nołpa, ałtats'iya. Ja'ni toya'a'ma Lataiqui', loya'apa iłe al c'a lixpíc'epa ŁanDios, ma totełco'ma. Toxpíc'ełá' ałtełcołe anuli. ŁanDios, iłque No'epa al cueca', tepi'i'mo' copujfxi toxnet'Ĥa'. <sup>9</sup>Małque ŁanDios lunłu'eponga', ałjoc'iponga' lanajtsołtsi lixcay, ał'itsonga' i'huexi ŁanDios.

Ai'a tilajm'ma li'a łamats' ŁanDios ałpalaicoponga', ticua: “Ĥniya Jesucristo tepenuf'mola'. Iya' catoc'i'mola', capaxne'mola'.” ŁanDios aiqiu'huaijma mixinya te ts'i'ic' lał'eyacu, ja'ni ti'Ĥa' al c'a o ti'Ĥa' lixcay. Ma quituca' ixpic'epa ałtoc'itsonga', ałpaxnetsonga'. <sup>10</sup>Itsiya jounpa ałsina' ma' al Ĥinca iłiya lixpíc'epa ŁanDios. Ĥque jounpa ałtoc'iponga', ałpaxneponga'.

Cristo, iłque Łalunıu'eponga', joupa imujpa tołta'a. Licuai'ma fa'a li'a łamats' ulij'ma lamaya, ałpo'no'iponga' litaiqui', iłe lataiqui' laluya'apa. Luya'ayi: "Cristo tepi'ilhuo' al ts'e lołpitine aimijouya. Aimimayacolhuo' nulemma."

<sup>11</sup>Ma' iłe Lataiqui' cuya'e', camuc'ila' lan xanuc', tołta'a laipenic', iya' nin'apóstol. <sup>12</sup>Tama catełma aicaxhuełmot'łe. Aicaixina' calaic'ata. Quimetsaijma naitsi iłque łai'huaiyijmpa, ca'huaiyinge ŁanDios. Joupa aicupoxi ticuaita limane. Aixina' a'e'ma cuenna. Ticuaitsi al Cuecaj Quitine alapenufna'ma.

<sup>13</sup>Iłe laimipo' ac'a lataiqui', aimetełquila'. Joupa oxina' tołta'a lataiqui' lainu'ipo'. Al c'a mepenuf'ma ihiya litaiqui', o'epa capic'a juaiconapa. Tołta'a lopicuejma' lepi'ipo' Jesucristo. Itsiya to'nujuaisla' te ts'i'ic' ihiya lataiqui'. <sup>14</sup>Acueca' al c'a iłe lopenic' lepi'ipo' ŁanDios, iłque ti'huaiyijnhuo' tomuc'iyaleł'a' al c'a iłe Lataiqui'. Ne', tołe to'ela', aimopai'ima. Cal Espıritu Santo łalapenufpa illanc' nał'huaiyijmpá Jesucristo, iłque titoc'i'mo', ałmana' anuli iłque.

<sup>15</sup>Ima' joupa oxina' aicalimetsaicocongħua lapimaye nomana' łamats' Asia. Tołta'a lał'e'epa Figelo y Hermógenes. <sup>16</sup>Onesıforo ituca' li'ejma'. Iłque ti'hua lixoc'i' neta. Tama ałtats'ıya, ałfijncompa acadena catejma', ma' ałejmalepá. Aiquixina' calaic'ata. Iya' caxa'hue łalPoujna titoc'itsola' lixanuc' Onesıforo. <sup>17</sup>Cacua: Onesıforo aiquixina' calaic'ata.

Licuai'ma fa'a liıya' Roma ti'hua lahuay. Aiminesqui: "Aimi'ıya cahuejnya Pablo, aicaixina' pe lopa'a". <sup>18</sup>Małmana' lipıya' Éfeso ałtoc'ıpa juaiconapa. Tołta'a oxina'. Caxa'hue łalPoujna titoc'ıla'. Ticuaitsi al Cuecaj Quitine łalPoujna aimecani'e'ma.

**2** Mai'hua Timoteo, aimitafqueco'. Ti'hua taihuejcoł'a Jesucristo. Tołta'a ŁanDios ti'hua titoc'i'mo', tepi'i'mo' copujfxi. <sup>2</sup>To'nujuaisla' te ts'i'ic' laimipo' iłe litine lolafot'lepotsi imanc', ima' y lanxpela' lapimaye. Iłe litine nu'ipo' te ts'i'ic' lofmuc'ıyaleya. Iłe lataiqui' tomuc'i'mola' lapimaye lof'huif'eyacola'. To'huif'e'mola' petsi ac'a naihuejpá, petsi joupa epi'impola' liłpicuejma' timuc'ıyalełe, iłniya timuc'icona'mola' lapimaye.

<sup>3</sup>Fa'a catełma. Jiłpe ima' aimi'ıya moyaicoya ma le'a al c'a. Totelco'ma jouc'a. Ma to mixnet'ıyi lan soldado ima' jouc'a toxnet'ıtsi. Cristo ticuxehuo', taihuejcoł'a. <sup>4</sup>Mifule cal soldado aiminesya: "¿Te caifnuyaicoya al c'a lapajnya?" A'i. Joupa ipo'nopa lipicuejma' ti'ela' ma le'a latentocopa hipincuxepa. <sup>5</sup>Ma' anuli lo'epa lan xanuc' nocuicalepá laipa'apa cafxi. Iłne ma tihuejcoyi lataiqui' locuxepola'. Ja'ni aimihuejma, aimulijya lapi'ınyacu. <sup>6</sup>Cal xans no'epa canic', tefot'łe łaipammaispa jiłpe łemats', iłque ti'i'ma cal te'a tite'ma lafot'lepa. <sup>7</sup>Topo'noł'a cuenna litaiqui' laifmipo'. ŁalPoujna tepi'i'mo' lopicuejma' tocuec'ela' taihuic'ıla' jahuay. <sup>8</sup>To'nujuaisla' li'ıpa Jesucristo,

itque lipajnta fa'a li'a lamats'  
 ibisnieto cal rey David. Lijoupa  
 limapa, ÆanDios imaf'i'inapa.  
 Toŋta'a loya'apa Lataiqui' iŋe  
 laifnuya'apa, iŋe lataiqui' tuya'e' al  
 c'a lixpice'epa ÆanDios. <sup>9</sup>Timana'  
 petsi aimetenŋococola' iŋe lataiqui'  
 laifnuya'apa. Toŋiya cateŋma  
 itsiya. A'ŋonŋiconno to lixcay xans,  
 aŋte'ŋminno. Tama iya' aŋfi'empa,  
 litaiqui' ÆanDios aiqiuifiyiya. Iŋiya  
 lataiqui' tuya'aley, tepenufyi. <sup>10</sup>Iya'  
 ma caxnet'l'qui jahuary ca'nujuaitisla'  
 lapimaye iŋe lo'huij'epola' ÆanDios.  
 Cacua: Ma mi'huaiyijnyi Jesucristo  
 iŋniya jouc'a ti'iŋa' quiŋsina' tunŋu'ela',  
 ti'iŋa' quiŋsina' aŋinca tilaitsufcotola'  
 ÆanDios, timetsaicotola' nulemma  
 ixanuc'.

<sup>11</sup>Al ŋinca lataiqui' loya'apa:  
 Ja'ni joupa aŋmanaponga'  
 anuli Cristo, jouc'a  
 aŋmaf'i'im'monga', anuli  
 aŋmajnta pu'hua.

<sup>12</sup>Ja'ni aŋsnet'He to lixnet'l'pa  
 Cristo, jouc'a aŋcuxeta anuli.  
 Ja'ni aimalimetsaicoyi, jouc'a  
 aimalimetsaicoyaconga'.

<sup>13</sup>Ja'ni aimaf'eyi ŋinca, ÆanDios  
 tenant'li'ma litaiqui',  
 aimafel'miyaconga'.  
 Ja'ni joupa icupa cataiqui'  
 aiminesya: "Iŋe lataiqui' a'i  
 caicuac".

<sup>14</sup>Laitaiqui' laifmipo' ima'  
 to'icona'mola' lapimaye nomana'  
 jilpiya. Aimimenc'eco'me laitaiqui'.  
 Tomitsola: "Toŋ'etsotŋsi cuenna.  
 ÆaŋPoujna tehuelongilhuo', ixina'  
 te ts'i'ic' lo'ejma'. Aimon'f'e'e'moltsi  
 to iŋniya petsi ja'ni aiqiuŋpic'a o  
 aimetenŋococola' anuli lataiqui'  
 tixtulecu. Petsi toŋta'a li'ejma'

aimuyalaicoyacu al c'a. Jouc'a  
 pe noquimf'epá timints'ela'  
 liŋpicuejma'."

<sup>15</sup>Ima' cumTimoteo, tahueŋa'  
 latenŋcocoya ÆanDios. Timitso':  
 "Iya' nimetsaicohuo' ac'a lo'epa".  
 Al c'a to'ela' lanic' lepi'ipo'  
 ÆanDios. Toxpijla' al c'a al  
 Linca Cataiqui'. Tomuc'iyaleŋa'  
 toŋta'a. Ja'ni toŋta'a lo'epa, litine  
 tacaxingaitsi ÆanDios aimoxinya  
 calaic'ata. <sup>16</sup>Aimonŋejmale'me petsi  
 juaiconapa nopalaipá. Iŋne ailopa'a  
 quiŋmuc'iyale, lonespa tipa'acoyi  
 quiŋtuca' liŋpicuejma'. Iŋne ti'hua  
 ti'e'e'moltsi xonca lixcay xanuc',  
 xonca aimihuejconayacu ÆanDios.  
<sup>17</sup>Lomuc'iyalepa iŋniya ti'onŋcospa  
 to al cuana. Teteŋquiyaleyi,  
 tima'ahualeyi. Toŋta'a lomuc'iyalepa  
 Himeneo y Fileto. <sup>18</sup>Iŋne joupa  
 imenajpola'. Aimihuejconayi al  
 Linca Cataiqui'. Ticuayi: "Ja'ni  
 joupa lapenufpá al ts'e laŋpitine,  
 tocomma to joupa aŋmaf'i'iponga'.  
 Tijouŋa' aŋmatsonga' ailopa'a xonca.  
 ÆanDios aimaf'af'i'iyaconga'."  
 Iŋniya lomuc'iyalepa timenac'ila'  
 lapimaye, hualca aimihuejconayi  
 to li'ipa. <sup>19</sup>Petsi ÆanDios  
 ifa'epola' liŋpicuejma' aimi'iya  
 mimenac'inyacola'. Iŋne ŋinca i'huexi  
 ÆanDios. Toŋta'a loya'apa lataiqui',  
 ticua: "ÆaŋPoujna timetsaicola'  
 naitsi iŋne lixanuc'". Jouc'a tuya'e':  
 "Iŋne pe nocuapá: ÆanDios aiPoujna,  
 aimi'econa'me al xujc'a, tipalunca  
 nulemma lixcay cane."

<sup>20</sup>Al cueca' cajut'l' tipa'a axpe'  
 capixú, ituca' ituca'. Tipa'a  
 lilanc'ecompa a'oro o aplata. Jouc'a  
 tipa'a lilanc'ecompa a'ec o ixitsqui.  
 Tipa'a laŋpaxú petsi lo'epa cuenna

juaiconapa, ma le'a al c'a lo'nicoya. Ocuenaye a'i. Tixhuicoyi nij naitsi lanic'. <sup>21</sup>Toŋna'a lapimaye. Łapima ja'ni tenajxoxi lixcay, ti'onłcospa to al c'a capixu, tetenłcoco'ma liPoujna, iłque timetsaico'ma i'huexi. Iximpa joupa ilanc'e'empa lipicuejma'. ŁaPoujna litine tixpic'eł'a' ti'eł'a' al c'a tepi'i'ma łapima lipenic', iłque ti'e'ma tołta'a.

<sup>22</sup>Ima' aimaihuej'mola' lo'as camijcanó li'ejma'. Iłne tihuejco'me lojanajpa iłne quilituca' liłpicuejma'. Ima' topo'noł'a' lopicuejma' taihuejla' al lijca, ti'hua to'huaiyijnla' ŁanDios, ti'hua to'etsola' capic'a lapimaye. Tonłejmalete lapimaye nojoc'ipá łapoujna Cristo, iłne naihuejcopá, aimolixtuc'o'mołtsi.

<sup>23</sup>Aimonłejmale'me petsi nofulecopá lamac'ta cataiqui'. Petsi tołta'a li'ejma' ma le'a tixtuc'o'mołtsi, tifuli'i'mołtsi.

<sup>24</sup>Łapima no'epa lipenic' łapoujna aimifuli'i'mola' lipimaye. Iłque tipalaic'o'mola' al c'a jahuay lapimaye, timuc'i'mola' al c'a. Ja'ni ti'eł'a' a'ijc'a anuli lipima, iłque pe no'epa lipenic' ŁanDios aimixtuc'o'ma. <sup>25</sup>Panca panca tixc'ai'i'mola' iłne pe aimihuejcoyi. Aimijaic'o'mola'. Aga ŁanDios titoc'i'mola' tixhuej'menacu. Ti'ila' quilsina' te ts'i'ic' al Linca Cataiqui'. <sup>26</sup>Tołta'a tilanc'e'ena'mola' liłpicuejma'. Aimimanecu petsi lic'aiłpola' łonta'a, tunłul'me. Iłque łonta'a joupa li'e'epola' to lixpice'pa, i'nołpola', itats'epola'.

**3** To'nujuaisla', tocuec'eł'a' lo'ya lijoujma quitine. To'nujuaisla' ti'i'ma ipime lapajnya. <sup>2</sup>Lan xanuc' ti'e'mołtsi capic'a ma le'a

quilituca', tixim'me acuanuc' liłtomí, tipalaico'mołtsi acueca' al c'a, tetets'i'me liłf'as xanuc', tinesc'e'me cataiqui'. Aimicuec'eyacu lił'aillí, aimix'najtsi'iyacu iłne pe notoc'ipá. Ti'i'ma ma lixcay liłpicuejma'.

<sup>3</sup>La'aillí liłnaxque' aimi'eyacołtsi capic'a. Aimimenc'e'econayacu ja'ni lixcay li'empola', ti'hua tixtuc'oyi. Tixahuale'me, aimicuxeyacołtsi al c'a, timuj'mołtsi oyac'la juaiconapa, tixtuc'o'me petsi no'epá al c'a.

<sup>4</sup>Ticufquim'mola' loyemalepá. Aimixpic'eyacu al c'a lo'eyacu, tołta'a ti'e'me pangay nixpiya. Ti'e'e'mołtsi to acueca' liłpicuejma'. Aimicuaispa quiliłpic'a ŁanDios, xonca iłpic'a lixojma cata. <sup>5</sup>Iłne tama ti'hua texc'onłingolaiyi joupa etets'ipá ŁanDios, aimihuejcoyi. Xonca tihuejco'me lojanajyacu jilpe liłpicuejma'.

Aimaihuej'mola' iłne lan xanuc'. Aimonłejmale'me, tanajxoxi.

<sup>6-7</sup>Lan xanuc' li'ejma' to laifmipo' iłne ma infel'miyale. Tehueyi te co'ya mitsuflaiyacu łajut'li. Jilpiya tifel'mi'me lacałno' petsi aimixpic'eyi liłpicuejma'. Iłniya lacałno' iłtaic' acueca' quiljunac'. Tihuejcoyi ni tintsí cataiqui', iłiya lataiqui' petsi iłniya quilituca' tijanajyi, tixinyi tetenłcocola'. Ti'hua tiquimf'eyi jahuay lomuc'impola', aimicuec'eyi. Ni micuec'eyi te ts'i'ic' al Linca Cataiqui'. <sup>8</sup>Iłniya lan xanuc' petsi ituca' lomuc'iyalepa ti'onłcospola' to Janes y Jambres. Iłna'a loquexi' ipa'ne'me litaiqui' Moisés. Tołta'a li'ejma' iłniya lomxiye, tipa'neyi litaiqui' ŁanDios. Iłne iminscola' liłpicuejma'. Joupa imujpołtsi

aimi'huaiyijnyi LanDios, iħque aimimetsaicola'. <sup>9</sup>Linca, itsiya tocomma ti'hua tulijyi. Ai'. Aimi'ya mulijconayacu. Ĩne Janes y Jambres imetsaicompola' liħpema'ca. Ma' anuli timetsaicom'mola' ĩniya lan xanuc' lainescopola'.

<sup>10-11</sup>Ima' a'i toħta'a loħ'epa.

Joupa mepenufpa laitaiqui' laifmuc'iyalepa. Toħta'a taihuequi. Ima joupa aħsimpa lai'ejma', aħsimpa te ts'i'ic' laifxpice'pa, aħsimpa te ts'i'ic' lai'huaiyijmpa LanDios. Aħsimpa aiqixtumma, aħsimpa ca'ehuale capic'a ma to ca'ay capic'a LanDios. Aħsimpa caxnet'ħqui jahuay ma lahuenno aħ'enta' quixcay. Aħsimpa laifteħcopa, aħsimpa te ts'i'ic' lainuyaicopa jiħpiya ĩleloħya' Antioquía, Iconio y Listra. Aħsimpa lahuenno, lihuetsuquimpa. Linca ĩaħPoujna alunħ'epa jahuay ĩhiya.

<sup>12</sup>Itsiya camihuo': Petsi joupa nepenufpa Jesucristo, ixpic'epá tihuejco'me LanDios, ĩniya ĩnca tehuem'mola', ti'entsola' quixcay.

<sup>13</sup>Lixcay xanuc' jouc'a ĩnfeħ'miyale jahuay ĩniya ti'e'moħtsi xonca axujc'a xanuc'. Ti'hua tifeħ'miyale'me, ti'hua tifeħ'mi'moħtsi.

<sup>14</sup>Ima' cumTimoteo joupa omihuc'ipa Lataiqui', joupa o'epa ĩnca. Ti'hua taihuejla' toħta'a, aimanaj'moxi. Ima' oxina' naitsi ĩħne ĩmuc'ipo' ĩħe Lataiqui'. Omimetsaicola' ac'a liħpicuejma'.

<sup>15</sup>To'nujuaisla' lomuyaicopa. Maj ma'hua omimetsaicopa al Paxi ĩnĩningiya. Ĩe ĩnĩniya ĩnca ti'hua tepi'ihuo' lopicuejma', tunħ'e'mo'. Toħta'a ti'i'mo' ja'ni ti'hua to'huaiyinge Jesucristo.

<sup>16</sup>Ĩe al Paxi ĩnĩningiya lan xanuc' aiħuilipa'e quiħtuca' liħpicuejma'. Ma ĩniħyi, Ĩ'Espĩritu LanDios timuc'ila' te ĩniħyacu. Toħiya ĩħe a'i ĩnaitsi cataiqui', mane itaiqui' LanDios. Ja'ni tomuc'itsola' lapimaye, ja'ni toxc'ai'itsola', ja'ni totaletsola', ja'ni to'itsola' te ts'i'ic' al c'a lo'eyacu, jiħpe ĩtaiqui' LanDios taipa'a'ma lofmuc'iyacola'. <sup>17</sup>Toħiya ma mo'ey ĩanic' lepi'ipo' LanDios ti'i'ma to'e'ma al c'a. Ma' o'hueca ĩtaiqui' LanDios ailopa'a quehue'epo'. Ac'a ti'i'ma totoc'i'mola' lapimaye.

**4** Itsiya caxc'ai'ihuo', camihuo' loħ'eya. To'nujuaitsola' caħAilli' LanDios y Jesucristo ĩaħPoujna, ĩħne tehuelojnhuo'. ĩaħPoujna ticuaiyunni ticuxeħa' timuj'moxi ĩħJuez jahuay lan xanuc'. Ja'ni ts'ĩħmaf'i, ja'ni joupa imanapola', jahuay tixim'me toħta'a. <sup>2</sup>Camihuo': Ti'hua toya'aħa' Lataiqui'. Ti'hua to'eħa' ĩanic' lepi'ipo' LanDios. Aimocua'ma: "Aimi'ya". Toxc'ai'i'mola' lapimaye, topalaic'o'mola', ti'ħa' quiħsina' ja'ni a'ijc'a lo'epa. Ja'ni oxina' a'ijc'a lo'epa, totale'mola'. To'itsola' te ts'i'ic' al c'a lo'eyacu. Toħta'a taixpi'i'mola' quileta. Topalaic'otsola' al c'a. Panca panca tomuc'itsola'. <sup>3</sup>Iya' camihuo' ti'hua tomuc'itsola'. Ticuaihuo ĩtine lan xanuc' aimicuayacu. Ti'e'me ĩaic' al c'a lomuc'iyalepa. Quiħtuca' tehue'me quiħpomxiye, ĩħne ĩatenħcocoyacola'. Tefot'ħem'mola' axpela' lomxiye. Ĩpic'a tiquimf'ħe ĩtuca' ĩtuca' cataiqui', aimicuaicospa quiħpic'a nulemma. <sup>4</sup>Al ĩnca Cataiqui' tetets'i'me. Ĩe aimiquimf'eyacu, ti'e'moħtsi ataħpe. Xonca ĩpic'a tiquimf'ħe ni tĩnisi cataiqui' loya'apa lan xanuc'. <sup>5</sup>Ima'

aimoxhuełmot'le'ma. To'huijla' lopicuejma'. Toxnet'Ha' jahuay latełcoya. To'eła' lopenic' iħe lepi'ipo' ŁanDios. Toya'ała', tomuc'iyaleła' Łataiqui'.

<sup>6</sup>Iya' aixina' aimałcołya fa'a li'a łamats'. Tocomma ma' itsiya tic'equi laijuats', catsufcoyoxi ŁanDios. Ma le'a lahue'e' ałma'anła'. <sup>7</sup>Joupa nipa'apa laipufxi, joupa nulijpa. Aijou'nepa laipenic', iħe lanic' lalapi'ipa ŁanDios. Łataiqui' lai'epa ĩnca, małe Łataiqui' ti'hua ca'ay ĩnca, ti'hua cuya'e'. <sup>8</sup>Itsiya, ĩte xonca caif'huacoyca? ĩnca pu'hua tipa'a lalapi'inya. Ticuaiti al Cuecaj Quitine ał'najtseta łafPoujna, iħque cal Cuecaj Juez, ałijca lo'epa. Iħque alimetsaicota lai'epa al c'a. Ai ma le'a iya'. Limetsaicotonga' jahuay peti ał'huacoyi ticuaiconanni Cristo. Tixoj'ma calata lapenufta.

<sup>9</sup>Ima' cumTimoteo, aimicołto' jıłpiya. To'huanni, ałsim'mołti. <sup>10</sup>Demas joupa i'huana, ałpo'nopa fa'a caituca'. Iħque aiquicuac' mi'hua mitełcoconaya. Xonca ipic'a tuyaicoła' al c'a capajnya fa'a li'a łamats'. I'huapa liłya' Tesalónica. Crescens i'huapa łamats' Galacia. Tito i'huapa łamats' Dalmacia. <sup>11</sup>Całuca' ałmana' fa'a iya' y Lucas. Tahueła' Marcos. Toleconni fa'a. Iħque ałtoc'i'ma. Ał'e'me lipenic' ŁanDios. <sup>12</sup>Tíquico jouc'a ailopa'a. Nummepa liłya' Éfeso. <sup>13</sup>Ima' litine to'huanni ałtaic'uenanni laipoxa laipo'nopa liłya' Troas, lejut'ł Carpo. Ałtaic'ue'enni jouc'a łaije'e, iħne lilanc'ecompa ixmi. Iħne xonca ticuicomma.

<sup>14</sup>Alejandro, iħquiya ĩnłanc'ot'łepa tixhuijma acobre, iħque ał'e'epa

juaiconapa quixcay. Iħe lixcay lał'e'epa, nuli ti'najtsi'ina'ma łafPoujna. <sup>15</sup>To'exoxi cuenna iħquiya cal xans. Aimo'huaiyijm'ma. Juaiconapa ałpa'neponga' illanc' lałtaiqui'. Aimicuaicospa quipic'a.

<sup>16</sup>Ate'a lałjoc'impa catalai'e'etsola' peti lałcufpa, nij naiti lałtoc'ipa. Lałejmale inulna'me, ałpo'nopa caituca'. Caxahue'e' ŁanDios timenc'e'ecotsola' iłta'a lał'e'epa.

<sup>17</sup>Tama iłniya ałpo'nopa caituca' aicalpo'nohua łaiPoujna Jesús. Iħque ałtoc'ipa, lapi'ipa caipufxi. Ixpıc'epa ti'hua cuya'ała' Łataiqui', caxhuai'niła' iħe laipenic'. Ni peti lomana' lan xanuc' pe aimimetsaicoyi ŁanDios, ti'ıła' quıłsina' te ts'i'ic' Łataiqui'. Tama tocomma joupa ał'nołpa calxmu, ałma'a'ma, ałtejn-na'ma, ŁanDios lunłu'epa. Ti'hua ca'eła' lipenic'.

<sup>18</sup>Lał'e'epa lan xanuc' aimalulijya. ŁafPoujna Nopa'a lema'a ti'hua lunłu'e'ma. Ał'econama cuenna. Ałmajnta anuli iħe litine tixinim'me locuxeya. Ma' iħque timetsaiconłe anDios. Tix'najtsi'ınłe itsiya litine jouc'a Locuena Quitine. Tołta'a ti'ıła'. Amén.

<sup>19</sup>Tomitsola' Priscila, Aquila, jouc'a lixanuc' Onesıforo: "Pablo tinonghuo". <sup>20</sup>Erasto ipanemma liłya' Corinto. Trófimo textafque. Aipo'nopa liłya' Mileto. <sup>21</sup>Aimicołto' jıłpiya pe lołpa'a. To'huanni ai'a ti'ıłma łaxita quitine. Tinonghuo' Eúbolo, Pudente, Lino, Claudia, jouc'a jahuay lapimaye nomana' fa'a.

<sup>22</sup>Ti'ıła' coxina' łafPoujna Jesucristo tipa'a pe lołpa'a. ŁanDios titoc'itso', tipaxnetsolhuo' jahuay imanc'.